



Universitätsbibliothek Paderborn

**DE TRIBVS BONORVM || operum generibus,||
ELEEMOSYNA,|| IEIVNIO ET ORATIONE;|| deque eorundem
operum vi, vsu, & || ratione, LIBRI TRES,|| AVCTORE ||
THEODORO PELTANO SO-||cietatis IESV Theologo.|| AD ...**

Peltanus, Theodor Anton

Ingolstadii, 1580

Capitis Primi Periocha. Ieiunium cum abstinentia non rectè confundi; rectè autem in liberu[m] & necessarium; & hoc rursum in naturale, Mosaicum, & Ecclesiasticum deduci.

[urn:nbn:de:hbz:466:1-46891](https://nbn-resolving.de/urn:nbn:de:hbz:466:1-46891)

129

DE IEIVNIO, ET CIBORVM DELECTV

LIBER SECUNDVS.

Ieiunium cum abstinentia non rectè confundi, rectè autem in libe-
rum & necessarium; & hoc rursum in naturale, Mosai-
cum & Ecclesiasticum deduci.

CAPVT PRIMVM.

INTER causas ad peccatum prouocantes, pri-
mas facilè obtinet carnis concupiscentia. Alle-
ctat huc etiam auaritia, vitaque superbia; sed &
multos quoque transuersos agit ignoratio: Ve-
rūm quò carnis sensus homini iam inde ab in-
eunte ætate est familiarior, (nam vnā cum ipso
exortus ad ultimum usque vitæ halitum perstat, materiamq;, quo
nutriatur, nusquam non obuiam habet) eò ad alliciendum, obti-
nendamque de antagonista victoriam est potentior. Quare san-
cti Patres secundùm diuinas literas ad nihil èquè frequenter hor-
tantur fideles, ac ad carnis mortificationem, motuumq;; eiusdem
compressionem.

PORRO autem inter ea, quæ ad refrenandum carnis sensum
faciunt plurimùm, multi non absq; ratione iejunio principatum
deferunt. Nam etsi vigiliae, asper vestitus, externus corporis labor,
aliisque id genus complura carnis petulantiam coérceant: non
eo tamen successu & vi, qua continuata iejunia. Quocirca licet
Paulus, Antonius, Hilarion, cæterique eremi cultores, quæ iam
attigi, non negligerent: iejunium tamen tanquam validissi-
mum aduersus omnem Diaboli carnisque insultum præsidium,
in prima semper acie collocabant; nihilque perinde atque ieju-
num ad Monachi professionem pertinere prædicabant, viuó-
que exemplo confirmabant: Imò verò qui assiduo iejunio se
non macerarent, eos Monachi appellatione vix dignos cen-
sebant.

Inter causas ad
peccatum prouo-
cantes, primas te-
net carnis con-
cupiscentia.

Nihil carnis pe-
tulantiam &què
comprimit, atq;
continuatum se
iunium.

R

QVIN

In primitiva Ec-
clesia frequēs ie-
juniorum v̄sus.

Lib. de vit. cont.

QVIN in primitiva Ecclesia quoque non apud eos solū, qui secundū Ecclesiastici iudicis arbitrium priuata vel publica p̄nitentia mulctabantur, solennis & frequens admodum erat iejuniorum v̄sus, sed apud eos quoque, qui publica pena nihil dignum admiserant. Temperantia, scribit Philo, tanquam fundamento in anima iacto, virtutes ceteræ superstruuntur. Nec cibum, nec potum quisquam sumit ante solis occasum. Nonnulli ex illis vix tertio quoque die famem sentiunt. Nec desunt, qui prælauto excepti epulo sapientæ, perdurant duplum eius temporis, & vix sexto die degustant cibum necessarium, assueti, si- cut cicadæ rore viuere, canticis solari in mediam. Hæc ille de Christianis Alexandrinis Marci primi ciuitatis illius Episcopi discipulis: fitque verisimile, aliis locis & ciuitatibus idem præstite alios. Sed hac ipsa quoque ætate, qui rebellantem spiritui carnem serio edomare cupiunt, ad iejunium & abstinentiam veluti ad sacram anchoram sese recipiunt. **I**ejunium itaque inter mortificationis instrumenta arcem tenet.

PO R R O autem licet iejunium & abstinentia circa eandem materiam versentur, & vnum alterius nomine s̄pē designetur, non idem tamen prorsus est iejunium, quod moralis abstinentia. **Q**ua in re ætatis huius sectarij hallucinantur maxime: docent enim, idem omnino esse ieunare, quod sobriè, naturæque conuenienter viuere; quod est vanissimum, & à Scripturæ sententia alienissimum. Constat namq; , abstinentiam æquè atq; temperantiam, nullum non hominem ad sui culturam & observationem perpetuò obstringere: **Q**uandoquidē vt nulli vñquam fas est intemperanter viuere; ita nulli quicquam vñquam, quod cum vera abstinentia pugnet, admittere. Nunquam enim plus comedere aut bibere licet, quam vel recta ratio dictat, aut naturæ necessitas postulat. At verò iejunium neque omnes obligat, neque semper obligat, sed suo tempore & loco quosdam tantum. Certum est æquè, **C**HRI**S**TVM Dominum, sanctosque eiusdem Apostolos, nec non innumeros ante & post illos alios sobriè naturæque conuenienter vixisse semper, neque semper tamen ieunasse. Nam si Apostoli semper ieunassent, **C**HRI**S**TVS nunquam dicturus erat: *Anseretur ab illis sponsus, & tunc ieunabant.*

Non sunt idem
iejunium & ab-
sintentia.

IEJUNIUM non
omnes abstinen-
tia omnes obli-
gat.

Matth. 9.
Marc 2.
Lucas 5.

EST

Est autem ieiunium, vt h̄ic de ieiunio loquimur, & deinceps locuturi sumus, proprius abstinentiæ actus, vel peculiaris quidam abstinentiæ modus. Paucis, ieiunium est eiusmodi abstinentia, qua quis ad præfinitum diem, vel ad certam diei horam ab aliquibus, vel ab omnibus abstinet. Triduum integrum ab omnibus abstinuisse leguntur Niniuitæ amplissimæ ciuitatis, excidium ob Ionaæ comminationem veriti. Ad vesperam usque Israëlitæ, in Silo fratrum suorum cladem deplorantes, & quid facto opus in posterum, Dominum consulentes. A quibusdam Daniel: In diebus illis, ait, ego Daniel lugebam (hoc est, ieiunabam) trium hebdomadarum diebus panem desiderabilem non comedí, caro & vinum non intollerant in os meum &c.

A t̄ quia non vno animo, nec una de causa ab aliquibus, vel ab omnibus abstinent omnes; sed alij alio: fit, vt non omne ieiunium meritum apud Deum & vestrum habeat. Ieiunant, exempli gratia ægri, quod cibum fastidiant; Inopes, quod alimenta, quibus se alant, nulla saepè ad manum habeant; Avari, quod parcūs sumptus faciant; Læmargi ventrique & gula dediti, quod maiori postea audiitate & voluptate liguriant; Hypocritæ, quod sanctimoniam, quam non habent, opinionem apud imperitam turbam sibi comparent. Ieiunant tandem pij homines, quod vel scelerum vestigia inducant, Deo quæ & Ecclesiæ satisfaciant; aut quod insurgentes inordinatos carnis motus, ieiuniorum vi compriment; aut vt diuino cultui obeundo aptiores sese redant; aut certe quod legi de ieiunio latæ pareant. Et hi soli ritet, &, nisi peccatum grauius aliquod obstet, meritorie ieiunant.

Hoc piorum hominum ieiunium, (reliqua enim ieiunij appellationem non merentur) missis pluribus diuisionibus, quæ à materia, vel ab auctore, vel à tempore, vel à loco, vel à persona ieiunante, vel à causa petitæ prolixè à quibusdam tractantur & explanantur, in necessitatis & supererogationis siue in deuotionis & institutionis ieiunium deduci potest. Supercrogationis ieiunium illud h̄ic nunc breuiter vocamus, (postea enim accuratius ea de re disputabitur) quod sponte, nulla lege cogente, aut præcepto urgente, suscipitur. Necessitatis vero,

R 2 quod

Cuiusmodi abstinentia ieiunium.

Ionæ 3.

Iudi. 20.

Dani. 10.

Variae abstinentiæ cause, diversi abstinensium species.

Duplex ieiunii, necessitatis unius, supererogationis alterum.

quod secundum legis præscriptum, aut superioris mandatum, aut patriæ consuetudinem exigit præstaturū. Neque enim solum leges, sed laudabiles quoque consuetudines suam in utroque foro vim obtinent.

IEIVNIVM supererogationis æquè latè patet atq; causè, quæ ad hoc inuitant, hæ autem patent latissimè. Ieiunium necessitatibus legum, ex quibus ortum & robur trahit, numerum imitatur. Lex autem generatim accepta in naturalem, Mosaicam; & Euangelicam secerni solet. Quare si quod extat vel extitit quandoque ieiunium non liberum, hoc ad aliquam trium istarum legum pertineat oportet. Mosaicae legis nomine id totum hīc comprehendimus, quod veteri lege vim adhuc obtinente, apud Iudeos receptum erat: siue id proximè natū & promulgatum esset per Moysen; siue per quemcunque alium in Moysi Cathedra sedentem. Idem de Euangelica lege statuatur quoque. Neque enim id solum Euangelicum dici consuevit, quod CHRIS TVS per se docuit aut iussit, sed id etiam, quod per suos Apostolos, legitimosque eorundem successores Christiano orbi proposuit. Vniuersè ergo triplex est ieiunium, naturale legisue naturæ, Mosaicum, & Euangelicum, hoc est, Ecclesiasticum.

Triplex lex, le-
gisque sanctio.

Triplex in uni-
versum ieiuniū.

Ieiunium natu-
re bifariam acci-
pi potest.

Ieiunia, que na-
tura vel rectara-
tio dicit, nun-
quam non obli-
gant.

IEIVNIVM legis naturæ, quatenus maiorum traditione, vel aliqua patriæ consuetudine apud illius ætatis homines statutivel legis vim obtinebat, iam non obligat. Verùm si quod ieiunium naturæ lex absolute accepta, vel recta ratio dicit, illud non minori obligandi vi nunc pollet, quam mundi nascentis tempore. Certum est enim, si eiusmodi animi vel corporis morbo labores, qui citra ieiunium sanari non queat, æquè tibi abstinentiam esse, atque si Ecclesia commune aliquod ieiunium indixisset; Nemini enim seipsum perdere licet. Perdit autem, qui ab interitu, à quo tueri se poterat, & tueri se quoque debebat, se non tueritur.

A T vero statane aliqua apud priscos illos Patres ieiunia, ante Moysi principatum fuerint recepta, id certò non constat: Si quidem Scriptura & veterum monumenta nihil, quod apertum sit satis, ea de re produnt. Fit nihilominus admodum verisimile, vt suos illi, qui legem antecesserunt, sacros habebant ritus, sua Sacra menta & sacrificia; ita suas quoque habuisse ieiunations:

Habe-

Habebant enim easdem iejunandi causas, quas nos nūc habemus, & fortè maiores. Præterea cùm ea ætate multi essent magnæ perfectionis & sanctitatis viri, non sit credibile, tanta perfectionis organum, quantum est iejunium, aut ignorasse, aut neglexisse. De eo autem naturæ iejunio, quod omnem cibi potusq; vsum excludit, alioq; nomine iejunij iejunium appellari consuevit, (sicut alterum illud iejunium iejunantis) nihil hīc differimus: Quandoquidem nihil id ad nostrum institutum facit; quippe quod brutis animalibus cum hominibus sit commune.

MOSAICAE legis iejunia, ut cætera cærimonialia, iamdum exoleuerunt: vnde nihil est quod de iis prolixè hoc loco disputemus. Solum monuerim, non omnia veteris illius populi iejunia fuisse libera; Quædam enim magna severitate illi erant indicta. DEI VOX est: *Decimo die mensis huius septimi dies expiationis erit celeberrimus, & vocabitur sanctus; & affligetis animas vestras in eo: et offeritis holocaustum Domino. Omnis anima, quæ afflicta nō fuerit die hac, peribit.* At siue interitus, quem lex interminatur, referatur ad corpus, siue ad animam, siue ad vtrunque simul, maximam, citra controuersiam, exprimebat pœnam. Quòd autem afflictionis nomine veniant iejunia, id apud diuinorum oraculorum interpretes quæctionem non habet.

RESTANT ergo sola Christiana vel Ecclesiastica iejunia; siue per Apostolos, (vt de nonnullis certò constat) ea ad nos defluisse dicas; siue per quoscunque alias Ecclesiæ Catholicæ processores. Nam ad rituum, vel cærimoniarum institutionem, legumq; Reipub. Christianæ necessiarum lationem quod spectat, eadem nunc in Ecclesia DEI auctoritas est, eritque semper, quæ fuit Apostolorum ætate. Eset namque Ecclesiæ status miserrimus, si ipsa pro locorum & temporum qualitate, nullas leges, quæ bonum publicum promouerent, aut publica mala coercerent, ferre posset.

CÆTERVM Christiano vel Ecclesiastico ritu, hoc est, secundum normam ab Ecclesia præscriptam, vel ab eadem approbatâ iejunaturus, præter ciborum delectum, qui propriæ rationis iejunio adeò intrinsecus est, vt ab eo diuellii vix queat, duo obseruare debet. Horum alterum est, ne sæpius quam semel interdiu cibum sumat: Alterum est, ne ante nonam vel vesperam, vel crassam

Verisimile fit, Pa
tres, qui legē an-
tecesserunt, suas
habuisse ieju-
niones.

Non omnia Mo
saicæ legis ieju-
nia erant libera.
Leuit. 23.

Scripturarum
phras, afflictio-
nis nomine de-
signantur ieju-
nia.

Eadem nunc fe-
rēdarum legum
in Ecclesia auto-
ritas est, que fuit
Apostolorum q-
tate.

Iejunium Eccle-
siasticum tribus
partibus colat.

R 3 quadam

quadam calculatione ante meridiem istud faciat. Quod si quid ex tribus hisce prætermiserit, ut abstinuisse dici queat, legitimè ieunasse dici non poterit.

Cum itaq; tria hæc eo ferè modo ad ieunium sese habeant, quo fundamentum, parietes, & tectum ad domum, cæteræq; partes corpus aliquod absoluentes ad corpus totum; Methodi ratio postulare videtur, ut prius de his differamus, quam de cæteris, que extra ieunij rationem existūt, vel minus sane propinquè ad illud affecta sunt.

Ciborum' dele-
ctus latius pater,
quam reliquie
ie-
juniorum' par-
tas.

Ordiemur autem à ciborum delectu; non quod hic solus ieunium absoluat, sed quod inter tria, quorum modò minimum, primatum ferè obtineat, multoq; latius quam duo reliqua pateat. Constat namque, multos à ieunij lege absolui, qui tamen à ciborum delectu non absoluuntur: multos rursum intra anni curriculum dies à ieunio vacare, qui tamen à ciborum delectu non vacant. Quin illi ipsi quoque, qui se etas fouent, multo infestiūs ciborum delectum infestantur, quam ieunium. Imò non desunt, qui publicè illud probent, tametsi neminem præcepto aliquo ad illud compellendum censeant.

Nullum alimenti genus ex se immundum, naturaliue aut Euangelica lege inhibitum esse.

C A P V T S E C V N D V M.



E ciborum delectu, quatenus ad Christiani ieunij rationem facit, verba facturus, contra manifestas quorundam calumnias, ut certu & apud omnes sincere Catholicos indubitatum hic pono, nullum omnino alimenti genus tanquam natura sua immundum, vlo omnino iure, aut lege proscriptum esse. Nam si qua esca ex se peccati virus inclusum haberet, nunq; ea vesici licet: Siquidè quod sua natura tale est, semper est tale: At nulla est, qua interdum vti non liceat.

A D H A E C si quis cibus animam ex se contaminare natus esset, Apostolus nunquam scripturus erat: *Omnis creatura Dei bona est; & nihil rei ciendum, quod cum gratiarum actione percepitur. Sanctificatur enim per verbum Dei & orationem.* Rursum: *Omnia munda mudi; incomminutis autem et infidelibus nihil est mundum, sed inquinat sunt eorum mens et conscientia.* Item: *Omne quod in macellū venit, manducate, nihil interrogate.*

1. Timo. 4.

Tit. 1.

1. Cor. 10.

100

UNIVERSITÄTS-
BIBLIOTHEK
PADERBORN